



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական  
աշխատողների մասնագիտական կարողությունների և  
հմտությունների զարգացման» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ «Մաների հայրենաճանաչողության ձևավորման  
կարևորությունը»

Դաստիարակ՝ Միմոնյան Մարիաննա

Մանկապարտեզ՝ «Զառիթափի մանկապարտեզ» ՀՈԱԿ

2023թ

# Բովանդակություն

Ներածություն.....	2
ՀԵՏԱԶՈՏԱԿԱՆ ԱՇԽԱՏԱՆՔԻ ԱՌԱՐԿԱՆ.....	3
ԳԼՈՒԽ 1.....	4
Ի՞նչ է հայրենասիրությունը.....	4
ՊԵՏԱԿԱՆ ԽՈՐՀՐԳԱՆԻՇՆԵՐ .....	5
Պետական դրոշ.....	5
Պետական զինանշան.....	6
Պետական օրհներգը .....	7
Գլուխ 2.....	8
Սաների հայրենաճանաչողության կարևորությունը .....	8
Պարապմունք 1 .....	9
Պարապմունք 2 .....	11
Ապիկացիա .....	13
Ամփոփում .....	14
ԵԶՐԱԿԱՑՈՒԹՅՈՒՆ .....	15
Գրականություն .....	17

## **Ներածություն**

Հայաստանը հայերի հայրենիքն է: Դա նշանակում է, որ մենք այստեղ ենք ծնվել ու մեծացել: Այստեղ են ծնվել նաև մեր նախնիները, մեր ծնողները, հարազատները, ընկերներն ու բարեկամները, շատ ու շատ ուրիշ մարդիկ: Հայաստանը հայրենիքն է նաև միլիոնավոր հայերի, որոնք ապրում են հայրենիքից հեռու:

Հայաստանն իրենց հայրենիքն են համարում նաև այստեղ ապրող այլ ազգերի մարդիկ՝ եզդիներ, ռուսներ, ասորիներ, հույներ և ուրիշներ:

Հայաստանը մեր երկիրն է, մեր ընդհանուր տունը, և մենք սիրում, պաշտում ու հպարտանում ենք նրանով: Այդ սերն ու նվիրվածությունը մենք արտահայտում ենք ոչ միայն խոսքով, այլ նաև գործով:

Հայրենիքի համար շատերն են հերոսական գործեր կատարել, հարկ եղած դեպքում իրենց կյանքը զոհել:

Միրել հայրենիքը նշանակում է ճանաչել այն, գիտենալ նրա անցյալը, գնահատել մեր նախնիների ստեղծած ու մեզ փոխանցած անգնահատելի ժառանգությունը: «Հայրենասիրությունը սկսվում է հայրենագիտությունից», - սա հայ մեծ գրող Բաճճու խոսքն է:

**Իմ սուրբ հայրենիք, դու սրտիս մեջ ես**

**Դու սրտիս մեջ ես, ոչ լեզվիս վրա,**

**Իմ սրտի միջից թե սիրտս ճեղքես՝**

**Դրոշիդ բոցը պիտի հուրհրա:**

**Հովհաննես Շիրազ**

## **ՀԵՏԱԶՈՏԱԿԱՆ ԱՇԽԱՏԱՆՔԻ ԱՌԱՐԿԱՆ**

Ժամանակակից մեթոդների, մեդիագրագիտության միջոցով նպաստել թեմայի արդյունավետության բարձրացմանը և սաներին թեման ավելի դյուրին մատուցմանը:

## **ՀԵՏԱԶՈՏԱԿԱՆ ԱՇԽԱՏԱՆՔԻ ՆՊԱՏԱԿՆԵՐԸ**

1. Մեթոդների միջոցով բարձրացնել սաների հայրենաճանաչողության թեմայի կարևորության մակարդակը
2. Սաներին պատմել պատմամշակույթային վայրերի մասին
3. Կատարելագործել սաների խոսքի հնչյունային կուլտուրան, հասնել բառերի ու հնչյունների մաքուր արտաբերմանը, ընդարձակել ակտիվ բառապաշարը:
4. Զարգացնել կապակցված ինքնուրույն խոսքը, քննադատական մտածողությունը, երկխոսելու և մենախոսելու ունակությունը:

## **ՀԵՏԱԶՈՏՈՒԹՅԱՆ ԽՆԴԻՐՆԵՐԸ**

- Ստուգել առաջարկված մեթոդների արդյունավետությունը պրակտիկայում:
- Թեմայի վերաբերյալ կատարել գրական աղբյուրների հետազոտություն, այդ թվում նաև ինտերնետային կայքերի ուսումնասիրություն:
- Նպաստել խոսքի հնչյունային կուլտուրայի դաստիարակմանը:
- Հարստացնել և ակտիվացնել բառապաշարը:
- Զարգացնել կապակցված խոսքը:

## ԳԼՈՒԽ 1

### **Ի՞նչ է հայրենասիրությունը**

Հայրենասիրությունը, եթե նկատի ունենանք ծագումը, առաջանում և զարգանում է որպես զգացմունք, որն ավելի ու ավելի է սոցիալականացվում և վեր հառնում հոգևոր-բարոյական հարստացման միջոցով: Հայրենասիրական զգացմունքի ըմբռնումը անբաժանելիորեն կապված է նրա գործունեության հետ, ինչն առավել կոնկրետ պլանով դրսևորվում է ակտիվ սոցիալական գործունեությամբ, գործողություններով և արարքներով, որ կատարվում են մարդու կողմից՝ ի բարօրություն հայրենիքի:

Իսկական հայրենասիրությունը նրա հոգևոր բնույթի մեջ է:

Հայրենասիրությունը կարևորագույն գործոն է սոցիալական խմբում անձի առավել լիարժեք վարքի դրսևորման համար: Այն ենթադրում է հայրենիքին անշահախնդիր, անմնացորդ ծառայություն: Հայրենասիրությունը անձի առավել նշանակալից բարոյական արժեքներից է, անհատի կարևորագույն հոգևոր ձեռքբերումը, որը բնութագրում է նրա զարգացման բարձրագույն մակարդակը և արտահայտվում է ինքնադրսևորման ակտիվ գործունեությամբ՝ ի բարօրություն հայրենիքի:

Հայրենասիրությունը հայրենիք սիրելն է: Իմ պատկերացմամբ սիրել նշանակում է պատրաստ լինել տալ իր կյանքը եթե դա անհրաժեշտ է: Օրինակ՝ հայրենասեր զինվորը կյանքում չի մատնի իր գործին: Հայրենասիրությունը նաև հայրենիքի համար հոգ տանելն է, չադտոտելն է:

Ե՞րբ է անհատի մոտ ձևավորվում հայրենիքի գիտակցումը: Ե՞րբ է մարդը հասկանում, որ այն տեղը, որտեղ ծնվել է, լոկ աշխարհագրական միավոր կամ սովորական քար ու թուփ չէ այս երկրագնդի համար:

Հայրենիքը հայերիս մեջ գալիս է օրորոցից, առաջին թոթովանքից ու «մամ» կանչելուց:

- ❖ Հայրենասիրությունը նաև հայրենիքի համար զոհված հերոսների հիշատակը անմահ պահելն է: ***Հովհաննես Բասկով***
- ❖ Հայրենասիրությունն այնպիսի բուռն կրակ մըն է, որ մարդ մոխիր կդարձնե: ***Պետրոս Դուրյան***
- ❖ Հայրենիքը սիրում են ոչ թե նրա համար, որ մեծ է, այլ նրա համար, որ քոնն է: ***Մենեկա կրտսեր***
- ❖ Մեր դժբախտությունն այն չէ, որ աշխարհում կան թուրքեր, այլ այն, որ կան թուրքաճանաչ հայեր: ***Քարեզին Նժդեհ***
- ❖ Գոյություն ունի մի ուժ, որ աշխարհի զանազան ծայրերից կարող է միավորել հայերին՝ հոգով, մտքով և այրունով: Դա ազգային սերն է: Ով չի ճանաչում իր հայրենիքը, չի կարող սիրել այն: ***Բաֆֆի***
- ❖ Իր հայրենիքը խայտառակել, նշանակում է դավաճանել այն: ***Վիկտոր Հյուգո***
- ❖ Չկա ավելի խորը զգացում, քան հայրենասիրությունը: ***Պարույր Սևակ***
- ❖ Մերը հայրենիքի հանդեպ կհաղթահարի ամեն ինչ: ***Պուրլիոս Վերգիլիոս Մարո***
- ❖ Հայրենասիրությունն ամենախոր զգացմունքներից մեկն է՝ ամրացված դարերով ու հազարամյակներով: ***Վլադիմիր Լենին***

## **ՊԵՏԱԿԱՆ ԽՈՐՀՐԴԱՆԻՇՆԵՐ**

### **Պետական դրոշ**

Հայաստանի դրոշը Հայաստանի պետական խորհրդանիշներից մեկն է : Կազմված է կարմիր, կապույտ և նարնջագույն գույներից, հորիզոնական հավասարաչափ շերտերով:

Նախագծողը Ստեփան Մալխասյանցն է, «ՀՀ դրոշի մասին» առաջին օրենքն ընդունել է ՀՀ Գերագույն խորհուրդը 1990 թ-ի օգոստոսի 24-ին:

Կարմիր գույնը խորհրդանշում է Հայկական Բարձրավանդակը, հայ ժողովրդի մշտական պայքարը հարատևման, քրիստոնեական հավատքի, Հայաստանի անկախության և ազատության համար:

Կապույտ գույնը խորհրդանշում է հայ ժողովրդի ապրելու կամքը խաղաղ երկնքի տակ:

Նարնջագույնը խորհրդանշում է հայ ժողովրդի արարչական տաղանդը և աշխատասիրությունը:

**Արյունից ծորած երիզ մի կարմիր,  
Երկնքից պոկված կտոր մի կապույտ,  
Հասուն հասկերի շող նարնջագույն  
Եվ դարերի հավատի դրոշ եռագույն:  
*Անդրանիկ Մառուկյան***

## **Պետական զինանշան**

Հայաստանի առաջին հանրապետության զինանշանը Հայաստանի ժողովրդավարական Հանրապետության պետական խորհրդանիշներից մեկն է:

Հաստատվել է 1920թ-ի հուլիսին: Հեղինակներն են ճարտարապետ, Ռուսաստանի գեղարվեստի ակադեմիայի ակադեմիկոս Ալեքսանդր Թամանյանը և նկարիչ Հակոբ Կոջոյանը: Զինանշանը կազմված է հետևյալ տարրերից. վահանի կենտրոնում Արարատ լեռն է, որը հայ ազգի խորհրդանիշն է: Լեռան գագաթին Նոյան տապանն է, քանի որ ավանդույթի համաձայն ջրհեղեղից հետո տապանը կանգ է առել հենց այդ լեռան վրա:

Վահանը բաժանված է 4 մասի, որոնք խորհրդանշում են Հայաստանի պատմության չորս անկախ հայկական թագավորությունները՝ Արտաշեսյանների, Բագրատունիների, Արշակունիների և Ռուբինյանների:

Առյուծն ու արծիվը, որոնք բռնում են վահանը, կենդանական աշխարհի թագավորներն են և խորհրդանշում են իմաստություն, հպարտություն, համբերություն և ազնվություն: Ներքևում պատկերված սուրը խորհրդանշում է հայ ժողովրդի պայքարը հանուն ազատության և անկախության, փետուրն ու հասկերը՝ հայ ժողովրդի ստեղծարար տաղանդը և խաղաղասիրությունը:

Դարեր շարունակ դրանք թագավորական ընտանիքների խորհրդանիշներն էին:

### **Պետական օրհներգը**

Հայաստանի ազգային օրհներգը «Մեր հայրենիքն է»: Ընդունվել է 1991թ-ի հուլիսի

1-ին և հիմնված է Առաջին հանրապետության օրհներգի վրա՝ տեքստի չնչին փոփոխություններով: Օրհներգի տեքստը վերցված է Միքայել Նալբանդյանի «Իտալացի աղջկա երգը» բանաստեղծությունից: Այն առաջին անգամ հնչել է 1885թ-ի մարտի 15-ին, որպես Թիֆլիսի «Արծրունի» թատրոնում կայացած հայ առաջին քառաձայն համերգի առաջին երգ: Հետագայում այն մշակել է նաև Բարսեղ Կանաչյանը: «Հայաստանի Հանրապետության օրհներգի մասին» օրենքն ազգային ժողովի կողմից ընդունվել է 2006թ-ի դեկտեմբերի 25-ին:

Օրհներգը հանդիսավոր երաժշտական կամ երաժշտա-պոետիկ աշխատություն է, որը կատարվում է սովորաբար հատուկ օրերնքով նախատեսված պահերին, ամենից առաջ՝ պաշտոնական տոների ժամանակ, արարողություններին, ծեսերին: Օրհներգի կատարման ժամանակ սովորաբար ընդունված է կանգնել և հանել գլխի ծածկոցը, ձեռքը դնել սրտին:



## Գլուխ 2

### **Սաների հայրենաճանաչողության կարևորությունը**

Մեր հայրենիքը նախ և առաջ դարերի անմահ պատմություն է՝ լցված կենաց պատերազմներով, հայրենի հողի հանդեպ սիրով և վերջում՝ խաղաղության ձգտմամբ: Հայրենաճանաչողության իմացությունն առավելագույնս հնարավորություն է տալիս իրականացնելու մեր իդեալը, ձևավորելու ու պահպանելու հայի կեցվածքը:

Հայրենաճանաչողությունը բովանդակում է դաստիարակչական վիթխարի ներուժ, հայրենասիրություն և ազգային արժանապատիվ գոյություն: Հայոց պատմության իմացությունը հնարավորություն կտա ՀՀ ապագա քաղաքացուն ուսումնասության ընթացքում ձեռք բերած գիտելիքներն ու ճանաչողական հմտությունները, հայոց քաղաքակրթության դարավոր ավանդույթները, փորձը և անցյալի դասերը լավագույնս ծառայեցնել հզորացման և բարգավաճման ուղին բռնած Հայաստանի անկախ պետությանը, պատկերացում կազմել համաշխարհային պատմության մեջ Հայաստանի և հայ ժողովրդի զբաղեցրած տողի և դերի մասին: Հենց այս պատճառով է, որ նախադպրոցական կրթության զենքը և գլխավոր իմաստը պետք է լինի սաների հայրենաճանաչողության ձևավորման կարևորությունը:

Ես կարծում եմ, որ հայրենաճանաչողության ձևավորումը միջին խմբում արդյունավետ կլինի կազմակերպել էքսկուրսիաների միջոցով՝ այցելություններ դեպի Հայաստանի տեսարժան վայրեր: Դրանց միջոցով երեխաները կծանոթանան հայ մշակույթին, կիմանան դրա նշանակությունը հայ ազգի համար:

## **Պարապմունք 1**

**Թեմա՝** «Հայրիկներն ու պապիկները զինվորներ են»

**Տեսակը՝** գրույց

**Նպատակները՝**

- Ճշտել երեխաների գիտելիքները Հայկական բանակի, հայրենիքի պաշտպանների՝ զինվորների մասին:
- Դաստիարակել հայրենասիրություն, հպարտություն, երախտագիտության զգացում և հարգանք զինվորի հանդեպ:
- Զարգացնել երեխաների ստեղծագործական միտքը, կապակցված խոսքը, պարզ ընդարձակ և բարդ նախադասություններ կազմելու կարողությունը:
- Հարստացնել բառապաշարը զինվորական ծառայություն, նորակոչիկ, համազգեստ, մարտունակ և անպարտ բառերով:

**Վերջնարդյունքները՝**

- Կարգանա երեխաների ստեղծագործական միտքը, կապակցված խոսքը, կհարստանա բառապաշարը:
- Կդաստիարակվի երեխաների մեջ հայրենասիրություն, հպարտություն, երախտագիտության զգացում և հարգանք զինվորի մասին:
- Ձևակերպի և կիրառի իրավիճակային հարցեր հասակակիցների և մեծահասակների հետ հաղորդակցվելիս:
- Վերապատմի լսած պատմությունը՝ պահպանելով մայրենի լեզվի հնչյունների ճիշտ արտասանությունը և խոսքի քերականական կողմը:
- Պատմի անհավանական պատմություններ, որոնք կարող են լինել վառ երևակայության զարգացման արդյունք:

**Անհրաժեշտ պարագաներ՝** հայկական բանակի տարբեր տեսակի զորքեր, զինվորական տեխնիկա՝ զրահանավեր, սուզանավեր, օդանավ, ուղղաթիռ,

տանկ, հրետանի պատկերող նկարներ և քարտեր, մեծ չափի 3 նկար, որ՝  
ներկայացնում են դաշտ, ծով, երկինք:

### **Ընթացքը**

Պարապմունքը սկսել եմ Վ. Վարդունու « Ես ֆիդայի եմ » բանաստեղծությամբ .

*Ունեմ ձեռքի գնդացիք,*

*Պարսատիկ չէ, հասկացի՛ր . . .*

*Անդրանիկի թռռնիկն եմ,*

*Ոչի՛նչ, որ դեռ փոքրիկ եմ:*

*Ֆիդայի եմ, իմացի՛ր,*

*Դու էլ ինձ հետ միացի՛ր:*

*Մեր սահմանին ով ձեռք տա,*

*Կղրակեմ՝ տա՛ . . . տա՛ . . . տա՛ . . . :*

### **Խթանման փուլ**

Բաց և փակ հարցերի միջոցով խթանել թեմայի նոր թեման՝

- Երեխանե՛ր, ձեր պապիկներին ու հայրիկները նույնպես ծառայել են բանակում,
- Ի՞նչ հետաքրքիր պատմություններ են նրանք պատմել

### **Իմաստի ընկալման փուլ**

Այսօր մենք կխոսենք յուրահատուկ ծննդյան օրվա մասին, որը նշում է ողջ հայ ժողովուրդը: Դա մեր բանակի ծննդյան օրն է՝ Հունվարի 28-ը: Այդ օրը ստեղծվեց հայկական բանակը: Այդ օրը քաղաքամայր Երևանում գորահանդես է տեղի ունենում: Հրապարակ են դուրս գալիս հայկական բանակի զորքերը, զրահամեքենաները, տանկերը, հրթիռները, օդային զինված ուժերը: Ողջ հայ ժողովուրդը մեծ ցնծությամբ է նշում այդ տոնը:

- Ի՞նչ էք հասկանում բանակ ասելով /մեր երկրի զինված ուժերն են/:
- Իսկ ինչու՞ է պետք մեզ բանակը /որպեսզի պաշտպանի թշնամուց. . . /:
- Ինչպիսի՞ն է հայոց բանակը /հզոր, ուժեղ, անպարտ,անվախ. . . /:
- Ովքեր են ծառայում կամ ծառայել հայոց բանակում /տղաները, հայրիկները, պապիկները...
- Ինչպե՞ս են անվանում նրանց /զինվորներ/:
- Ինչո՞վ են զբաղվում զինվորները բանակում /պաշտպանում են մեր երկրի սահմանները, կրակում են, մարզվում են/:
- Ինչպես են անվանում այն տղաներին, ովքեր նոր են սկսել ծառայությունը/նորակոչիկ/ :
- Ինչպես է կոչվում զինվորականների հագուստը/զինվորական համազգեստ/:

**Կշռադատման փուլ**

**Դիդակտիկ խաղ՝ Օղում, ջրում, ցամաքում**

Երեխաներն ընտրում են քարտեր, որից հետո բաժանվում են խմբերի, քննարկում են, քարտերը տեղադրում են համապատասխան տեղերում: Վերջում ներկայացնում են իրենց աշխատանքը:

**Պարապմունք 2**

**Թեմա՝** «Իմ հայրենիքը Հայաստանն է»

**Տեսակը՝** Ինտեգրված պարապմունք + ապլիկացիա

**Նապատակները՝**

- Ծանոթացնել երկրի դրոշին, զինանշանին, օրհներգին, Երևանի տեսարժան վայրերին, հուշարձաններին:

- Արթնացնել հայրենասիրական զգացումներ և ձևավորել այն գաղափարը, որ հայրենիքը մեկն է, ուստի չի կարելի այն լքել և հարկավոր է միշտ սիրել և պաշտպանել այն:
- Զարգացնել կապակցված խոսք կառուցելու հմտություններ:

### **Վերջնարդյունքները**

- Կժանոթանան երկրի դրոշին, զինանշանին, օրհներգին, Երևանի տեսարժան վայրերին և հուշարձաններին:
- Կզարգանա կապակցված խոսք կառուցելու հմտություններ:
- Կպահպանի մայրենի լեզվի հնչյունների ճիշտ արտասանությունը և խոսքի քերականական կողմը:

### **Կապը չափորոշիչների հետ`**

ԽՀ-ը, Ի-բ,գ, ՀՄԱ-գ,դ

Անհրաժեշտ պարագաներ` զինանշանի, դրոշի, Հայաստանի տեսարժան վայրերի, հուշարձանների նկարներ և հեռուստացույցով միացնել օրհներգը:

### **Ընթացքը**

#### **Խթանման փուլ**

Պարապմունքը սկսել օրհներգ լսելով, որից հետո բաց և փակ հարցերի միջոցով խթանել նոր թեման:

-Ձեր կարծիքով ի՞նչ է սա /դրոշ, զինանշան/:

-Որտեղի՞ց է ձեզ ծանոթ այն /հեռուստացույց, պաստառներ/

#### **Իմաստի ընկալում**

Ցուցադրել դրոշը, զինանշանը, ծանոթացնել դրանց նշանակությանը, ընդգծել դրանց կարևորությունը: Այնուհետև երեխաներն ընտրում են քարտեր, խմբերով

քննարկումներ անում, հետո յուրաքանչյուր խումբ ներկայացնում է իր ընտրած քարտի նշանակությունը:

## **Կշռադաստման փուլ**

### ***Որը որին է պատկանում***

Երեխաներին տրամադրել արծիվ, առյուծ, Արարատ լեռ, Նոյան տապան, կարմիր, կապույտ, նարնջագույն գույների կտրատված պատկերներ: Երեխաները փորձում են պատկերները տեղադրել համապատասխան տեղերում:

## **Ապիկացիա**

### **Թեմա՝ Դրոշ**

#### **Նպատակները՝**

- Ձևավորել մկրատը ճիշտ բռնելու և դրանից օգտվելու կարողություններ, ուսուցանել մկրատով ճիշտ կտրելու տեխնիկան, ձևավորել թուղթը ուղիղ, կարճ ուղղանկյուններ կտրելու հմտություններ:
- Սովորեցնել սոսնձել փոքր դետալները հիմնական մասերին՝ ճիշտ հերթականությամբ:
- Սովորեցնել աշխատել կոկիկ և մաքուր:

#### **Վերջնարդյունքները՝**

- Կօգտագործի մկրատ, թղթից կտրի ուղիղ, կարճ ուղղանկյուններ:
- Աշխատի մաքուր և կոկիկ:

- Պատկերի ՀՀ դրոշը:

**Անհրաժեշտ պարագաներ՝** գունավոր թղթեր, սոսինձ, մկրատ, ալբումի թղթեր և խոնավ անձեռոցիկներ:

## **Ընթացքը**

Լսեցինք Արմեն Մարտիրոսյանի « Ես սիրում եմ իմ երկիրը » երգը:

Նախապես սեղաններին դրված են անհրաժեշտ բոլոր պարագաները և բնօրինակները՝ սեղանների քանակով: Երեխաների մեծամասնությունը ինքնուրույն կտրատեց կարմիր, կապույտ, ծիրանագույն ուղղանկյուններ և բնօրինակին նայելով ճիշտ հերթականությամբ սոսնձեցին թղթին: Աշխատեցին մաքուր, կոկիկ և բոլորի աշխատանքները ցուցադրվեցին:

## **Ամփոփում**

Թեման ամփոփեցինք, կազմակերպելով միջոցառում նվիրված հայ զինվորին՝ «Հայ զինվոր, իմ սիրտը քո սրտի հետ է» խորագրով: Դահլիճը ձևավորել էինք համապատասխան պարագաներով, երեխաների հագել էին զինվորական համազգեստ և իհարկե հրավիրվել էին զինվորականներ: Երեխաները արտասանել, երգել և բեմականացրել էին փոքր պատումներ: Զինվորականները շատ էին ուրախացել և երեխաների հետ հավասար երգեցին հայրենասիրական երգերը: Միջոցառումից հետո զինվորականների հետ գնացինք Զատիթափի Եռաբլուր ծաղիկներ դրեցինք անմահ հերոսների գերեզմաներին:

**Տնօրենի խոսք** - Հայրենիքը սկսվում է սահմանից և նախադպրոցական տարիքի երեխաներից: Պարապմունքը հնարավորություն տվեց երեխաների մեջ ձևավորել հստակ պատկերացումներ հայրենասիրության վերաբերյալ: Երեխաները այսօր ապացուցեցին, որ մեր հերոսների արժանի զավակներն են: Սաների հայրենաճանաչողության ամրապնդման գործում մեծ դեր ունի ուսումնադաստիարակչական ամբողջ գործընթացը, որի ուղղությամբ

դաստիարակի կողմից կատարվեց և իրականացվեց աշխատանքներ, որի արդյունքին այսօր ներկաներով ականատես եղանք: Մեծ հույս ունեմ, որ այս գիտելիքները ձեզ հնարավորություն կտա գնահատել, սիրել և պաշտպանել հայրենիքը մինչև կյանքի վերջ:

**Ավագ խմբի դաստիարակի խոսքը** – Դաստիարակը կարողացավ հասնել պարապմունքի նպատակին՝ ըստ որի անհրաժեշտ է երեխաներին տալ գիտելիքներ հայրենիքի, հայկական բանակի ստեղծման մասին, դաստիարակել հպարտության զգացում, զարգացնել ստեղծագործական միտքը, կապակցված խոսքը, հարստացնել բառապաշարը, երեխաներին ցանոթացնել ՀՀ դրոշին, զինանշանին և օրհներգին: Եվ, որ ամենակարևորն էր, երեխաները կարողացան պարապմունքի ընթացքում ստացած գիտելիքների շնորհիվ փոքրիկ պատմություններ ներկայացնել: Որպես առաջարկություն կառաջարկեի պարապմունքի ավարտից հետո զրոսանք կազմակերպել և այցելել գյուղի մոտակա գորամաս՝ բանակի առօրյային ծանոթանալու և ամրապնդելու նպատակով:

## **ԵԶՐԱԿԱՑՈՒԹՅՈՒՆ**

Պարապմունքը համարում եմ կատարված, քանի որ կարողացա հասնել վերջնարդյունքներին: Պարապմունքի պլանավորումը համապատասխանում է տարիքային խմբի ծրագրին: Պարապմունքը իրականացվել է ԽԻԿ համակարգով, պահպանվել է տևողությունը: Պարապմունքի ընթացքում բացահայտվեց երեխաների ոգում պատերազմի թողած հետքերը, հիշատակվեց մեր հերոսների անունները, նրանց կատարած սխրագործությունները, որն ավելի ոգևորեց մատաղ սերունդներին:





## Գրականություն

1. Վ. Բրուսյանի «Հայրենասիրությունը որպես ազգային գաղափարախոսություն» հոդվածից:
2. Գևորգ Բրուսյանի ուսումնական բլոգից «Իմ հայրենասիրությունը»:
3. Սաթենիկ Արթենյան «Որտեղի՞ց է սկսվում հայրենիքը» հոդվածից:
4. 5-րդ դասարանի « Հայրենագիտություն» դասագրքից:
5. Համացանցի Վիքիպեդիա բաժնից:
6. Միջին խմբի «Խոսքի զարգացում» դասագրքից: